

ZAPISNIK
O RADU 24. RADNE SJEDNICE SKUPŠTINE KANTONA SARAJEVO ODRŽANE
15.07.2025.GODINE SA POČETKOM RADA U 10,00 SATI

Dvadeset i četvrtu radnu sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutnim u sali, kao i predstavnicima medija koji prate rad sjednice.

Sjednici je prilikom otvaranja prisustvovalo 30 zastupnica i zastupnika. Izostanak sa sjednice pravdale su zastupnice Elza Gaković, Fatima Gavrankapetanović-Smailbegović i Admela Hodžić.

U skladu s naprijed iznesenim, prisustvo zastupnika 24. Radnoj sjednici je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pabrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vikić – Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Šaljić Jasmin

DEMOKRATSKA FRONTA

1. Hašimbegović Marijela
2. Pilav Ilijaz
3. Vujović Vedrana
4. Zuhrić Albin

POLITIČKA ORGANIZACIJA/INICIJATIVA "ZA NOVE GENERACIJE"

1. Marjanović Damir

SAMOSTALNI ZASTUPNICI

1. Lemezan Redžo
2. Memić Arijana

U radnom dijelu sjednice, predsjedavajući je naglasio da prije prelaska na utvrđivanje dnevnog reda sjednice, a u skladu sa članom 158. Stav (2) Poslovnika Skupštine Kantona Sarajevo, o prijedlozima za donošenje zakona po skraćenom postupku, Skupština odlučuje kao u prethodnom pitanju prije utvrđivanja dnevnog reda sjednice.

S tim u vezi, predsjedavajući je pozvao predstavnika predlagača, ministricu Darju Softić-Kadenić, da obrazloži razloge za donošenje/pretresanje Prijedlog Zakona o izmjenama i dopuni Zakona o visokom obrazovanju, po skraćenom postupku.

Nakon izlaganja ministrice pravde i uprave, predsjedavajući je otvorio raspravu, te pošto nije bilo prijavljenih diskutanata, istu je zaključio i pozvao zastupnike da pristupe izjašnjavanju da se Prijedlog Zakona o izmjenama i dopuni Zakona o visokom obrazovanju, donese/pretresu po skraćenom postupku.

Na osnovu rezultata glasanja konstatovano je da je Skupština jednoglasno (s 30 glasova „za“) usvojila prijedlog da se Zakon o izmjenama i dopuni Zakona o visokom obrazovanju, donese/pretresu po skraćenom postupku.

Potom je predsjedavajući naveo da se na Prijedlogu dnevnog reda današnje sjednice nalazi se Nacrt Zakona o sportu Kantona Sarajevo. S obzirom da je u izvještaju Zakonodavno-pravne komisije Skupštine Kantona Sarajevo navedeno da ne postoji pravni osnov za utvrđivanje Nacrta Zakona o sportu Kantona Sarajevo, skladu sa članom 139. Stav 3. Poslovnika Skupštine Kantona Sarajevo potrebno je da Skupština prethodno zauzme stav o Mišljenju Zakonodavno-pravne komisije, zbog čega je dao riječ predsjedavajućem Zakonodavno-pravne komisije, zastupniku Aljoši Čampari, kako bi objasnio stav Komisije. Zatim se zastupnicima obratio ministar Kenan Magoda u svojstvu predlagača materijala.

U diskusiji koja je potom uslijedila učestvovali su zastupnici: Muamer Bandić, Mahir Dević, Jelena Pekić, Faruk Selmanović, Davor Čičić, Faruk Kapidžić i Aljoša Čampara.

Međusobno su replicirali zastupnici: Muamer Bandić – Jelena Pekić, Mahir Dević – Davor Čičić, Muamer Bandić – Davor Čičić, Jelena Pekić – Faruk Kapidžić i Faruk Kapidžić – Aljoša Čampara.

Po zaključivanju rasprave predsjedavajući je zamolio zastupnike da se izjasne da li podržavaju Mišljenje Zakonodavno-pravne komisije po Nacrtu Zakona o sportu Kantona Sarajevo.

Na osnovu rezultata glasanja konstatovano je da Skupština nije podržala Mišljenje Zakonodavno- pravne komisije po Nacrtu Zakona o sportu Kantona Sarajevo, (s 12 glasova „za“, 18 glasova „protiv“ i bez glasova „suzdržan“).

Zatim je predsjedavajući informisao prisutne da je zastupnik Muamer Bandić podnio inicijativu da se dnevni red dopuni tačkom Izmjena Zakona o odgoju i obrazovanju u osnovnim i srednjim školama KS, koja je prošla procedure na Kolegiju i dobila mišljenja Vlade KS i Zakonodavno-pravne komisije, nakon čega je dao riječ zastupniku Bandiću da istu obrazloži.

Nakon glasanja konstatovano je da je Skupština većinom glasova prihvatila da se na dnevni red 24. Radne sjednice Skupštine KS uvrsti kao tačka dnevnog reda Inicijativa za izmjenu Zakona o odgoju i obrazovanju u osnovnoj i srednjoj školi Kantona Sarajeva, (s 27 glasova „za“ i 1 glasom „suzdržan“).

Nadalje, prešlo se na utvrđivanje dnevnog reda sjednice.

Nakon čitanja dnevnog reda, predsjedavajući je pozvao zastupnike da se izjasne o istom.

Na osnovu rezultata glasanja, konstatovano je da je Dnevni red 24. Radne sjednice Skupštine Kantona Sarajevo usvojen većinom glasova (s 22 glasa „za“, 5 „protiv“ i 3 „suzdržana“), i isti glasi:

1. Poslanička/zastupnička pitanja inicijative i odgovori;
2. Prijedlog Zakona o izmjenama i dopuni Zakona o visokom obrazovanju-skraćeni postupak;
3. Prijedlog Zakona o izmjenama i dopunama Zakona o sudskim taksama;
4. Nacrt Zakona o sportu Kantona Sarajevo;
5. Prijedlog Odluke o usvajanju Programa uređenja građevinskog zemljišta i realizacije kapitalnih investicija za 2025. godinu;
6. Prijedlog Odluke o standardima i kriterijima za izbor i imenovanje na pozicije predsjednika i članova Nadzornog odbora Kantonalne agencije za privlačenje investicija i privatizaciju;
7. Nacrt Odluke o zaštiti izvorišta vode za piće „Djevojačke vode“;
8. Prijedlog Odluke o imenovanju predsjednika i članova Upravnog odbora Kantonalne agencije za privlačenje investicija i privatizaciju;
9. Izvještaj o radu sa finansijskim izvještajem Kantonalne agencije za privlačenje investicija i privatizaciju za 2023. godinu;
10. Izvještaj o radu sa Finansijskim izvještajem Kantonalne agencije za privlačenje investicija i privatizaciju za 2024. godinu;
11. Izvještaj o poslovanju Kantonalnog javnog preduzeća „Veterinarska stanica“ d.o.o. Sarajevo za 2022. godinu;
12. Izvještaj o poslovanju Kantonalnog javnog komunalnog preduzeća “RAD” d.o.o. Sarajevo za 2023. godinu;

13. Izvještaj o radu Univerziteta u Sarajevu za period od 01.01. do 31.12.2023. godine;
14. Izvještaj o radu Odbora za žalbe javnosti za 2024.godinu;
15. Izvještaj o izvršenju sankcija u Kantonu Sarajevo za 2023. godinu;
16. Izvještaj o izvršenju sankcija u Kantonu Sarajevo za 2024. godinu;
17. Izvještaj o realizaciji Plana povratka u i iz Kantona Sarajevo za period 01.01.-31.12.2023.godine, sa osvrtom na problematiku obezbjeđenja alternativnog smještaja - privremenog smještaja i Plan povratka u i iz Kantona Sarajevo za 2024. godinu;
18. Izvještaj o stanju u oblasti socijalne zaštite, zaštite civilnih žrtava rata i zaštite porodice sa djecom u 2023. godini;
19. Studija o Zdravstvenom stanju stanovništva, odrednicama zdravlja i zdravstvenoj zaštiti u Kantonu Sarajevo u 2022. godini, sa prijedlogom mjera za poboljšanje zdravstvenog stanja stanovništva u Kantonu Sarajevo i Mišljenjem Ministarstva zdravstva Kantona Sarajevo;
20. Izvještaj o Zdravstvenom stanju stanovništva, odrednice zdravlja i zdravstvena zaštita u Kantonu Sarajevo u 2023. godini sa prijedlogom mjera za poboljšanje zdravstvenog stanja stanovništva u Kantonu Sarajevo;
21. Izvještaj o provedenoj jesenjoj preventivnoj sistematskoj deratizaciji u 2024. godini.
22. Inicijativa za izmjenu Zakona o odgoju i obrazovanju u osnovnoj i srednjoj školi Kantona Sarajevo u skladu sa članom 130. Skupštine Kantona Sarajevo.

Predsjedavajući je napomenuo da su zastupnici, također, uz poziv za sjednicu dobili i sljedeći informativni materijal:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec april 2025. godine;
- Informacija o provođenju Zakona o prijavljivanju i postupku provjere podataka o imovini nosilaca javnih funkcija u Kantonu Sarajevo;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec maj 2025. godine.

Prije prelaska na realizaciju dnevnog reda zastupnici su se izjasnili o Zapisniku 18. Radne sjednice Skupštine Kantona Sarajevo.

Na osnovu rezultata glasanja konstatovano je da je Zapisnik 18. Radne sjednice Skupštine Kantona Sarajevo, održane 11.12.2024 godine i 11.02. i 21.05.2025 godine, usvojen većinom glasova, (s 21 glas „za“ i 2 glasa „suzdržan“).

TOK SJEDNICE

Realizacija prve tačke dnevnog reda počela je u 11 sati i 45 minuta.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Predsjedavajući je otvorio tačku dnevnog reda i dao riječ prvom prijavljenom zastupniku.

Zastupnik Faruk Kapidžić je podnio sljedeće (citiramo): „Imam dva pitanja. Prvo je za Ministarstvo financija i direktno ministra Kalamujića. Tražim usmeni i pismeni odgovor koliko je novaca danas na Trezoru Kantona Sarajevo rezervisano po pojedinim računima koji čine Trezor, ukupno stanje računa na dan 14.07.2025? I koliko ima neizmirenih obaveza od dobavljača i

drugih strana u Trezoru koje čekaju plaćanje na isti dan? Dakle plus i minus računa da građani znaju, a i da i mi znamo jel ima para ili nema. I drugo pitanje je pitanje za premijera Kantona Sarajevo i Stručnu službu Vlade Kantona Sarajevo. A ono se odnosi, predao sam ga na protokol, ali ću i pročitati. Tražim i usmeni i pismeni odgovor. Dakle, u skladu sa Zakonom o slobodi pristupa informacijama u Federaciji Bosne i Hercegovine („Službe Novine Federacije Bosne i Hercegovine broj 32/01 i 48/11), u svojstvu predsjednika Kantonalne organizacije Stranke demokratske akcije dana 29.04.2025 godine, premijeru Kantona Sarajevo i Stručnoj službi Vlade Kantona Sarajevo podnio sam zahtjev za pristup informacija koje se nalaze pod kontrolom Vlade Kantona Sarajevo, odnosno Stručne službe Vlade Kantona Sarajevo. Zahtjev se odnosi na dostavu informacija o terminima održavanja određenih sjednica, trajanju sjednica i predsjedavanju sjednicama Vlade Kantona Sarajevo. Tražim kao odgovor zašto kao podnosiocu zahtjeva ne dostavljaju tražene informacije koje su pod njihovom kontrolom, iako je od podnošenja zahtjeva proteklo nekoliko mjeseci? Zašto uopšte ne reaguju na to? I kako se kršenje Zakona o slobodi pristupa informacijama u Federaciji BiH uklapa u izjave premijera Kantona da postupi transparentno i da u ovom svom radu poštuje zakon? Samo ću dati malu opasku da građani znaju, a možda se tu krije i odgovor. Dakle, tražili smo stenogram sa zvanično tražili stenogram 29.04.2025 i stenogram sa 11. i sjednice i nastavka 10. sjednice Vlade Kantona Sarajevo koja je održana 02.07.2015., stenogram sa 28. sjednice 07.01.2016. i stenogram sa nastavka 66. 69 i 70. sjednice 23.01.2017. Ovo se traži u smislu popunjavanje dokumentacije za krivičnu prijavu o ovaj diplomu tadašnjeg premijera Vlade, sadašnjeg ministra vanjskih poslova Elmedina Konakovića, koji je na te datume imao i sjednice Vlade i položio je nekoliko vrlo bitnih ispita da bi diplomirao. Dakle, je li se zbog toga ne dostavlja nama podaci da vidimo da li je čovjek u mogućnosti da bude na dva mjesta istovremeno, ako je to u mogućnosti, onda možda danas nije u Americi, možda i ovdje i u Americi.“

Zastupnik Faruk Selmanović je podnio sljedeće (citiramo): „Danas uputit ću tri pitanja. Moje prvo zastupničko pitanje upućujem Ministarstvu unutrašnjih poslova Kantona Sarajevo. Na osnovi informacija objavljenih u medijima, a koje se odnose na odobrena kreditno zaduženje Kantona Sarajevko za nabavku tri specijalno oklopna vozila za potrebe MUP-a Kantona Sarajevo, postavljam sljedeća pitanja, odnosno postavljam sljedeće pitanje. Na osnovu kojih kriterije i stručne analize su izabrana upravo ovaj proizvođač vozila, obzirom da na dostupne liste ovo vozilo ne rangiraju između top 10 u svijetu, te da li na području Kantona Sarajeva postoji serviser za ova vozila i, naravno, koji je? Sljedeće pitanje upućuje Ministarstvu komunalne privrede i infrastrukture prostornog uređenja, građenje i zaštita okoliša Kantona Sarajevo i Kantonalnom javnom komunalnom poduzeću RAD. A pitanje je kako je određen termin odvoza kabastog otpada na području Kantona Sarajevo, na osnovu kojih kriterija se realizuje samo dva puta godišnje? I zašto je to u terminima radnih dana? I moje treće pitanje i zadnje za danas. Ministarstvu komunalne privrede i infrastrukture prostornog uređenja, građenje i zaštite okoliša Kantona Sarajevo, Ministarstvu financija Kantona Sarajevo, Uredu za borbu protiv korupcije i upravljanja kvalitetom Kantona Sarajevo i Kantonalnom javnom komunalnom preduzeću Vodovod i kanalizacija Sarajevo, koji su ključni uslovi koje je Kanton Sarajevo i Javno komunalno kantonalno poduzeće ViK trebao ispuniti prije aktivacije treće tranše EBRD kredita, te da li su isti ispunili i kad? Molim da dostavite tačne datume kada je Upravni odbor projekta Vodovod Sarajevo razmatrao ili odobrio povlačenje treće tranše EBRD kredita i kada je izvještaj bio, kada je izvještaj PIU tima bio,? Molim da Na sva ova pitanja dostavite pismeni odgovor.“

Zastupnica Danijela Kristić je podnijela sljedeće (citiramo): „Pozdravljam sve prisutne i gledaoce kraj malih ekrana. Podnosim inicijativu za nabavku sanitetskog vozila sa pratećom opremom za potrebe Javne ustanove Psihijatrijske bolnice Kantona Sarajevo. Javna ustanova Psihijatrijska bolnica posjeduje sanitetsko vozilo koje je kupljeno u 2014 godini, korišteno je u punom kapacitetu, ali i pored uložених napora, dotrajalo. Novim sanitetskim vozilom doprinijelo

bi podizanju standarda rada Javne ustanove Psihijatrijske bolnice Kantona Sarajevo, čime bi se direktno unaprijedila zdravstvena zaštita, kao i standard rada ove ustanove. Također, bitno je naglasiti da je vozilo važno za brzi transport bolesnika u druge ustanove gdje se trebaju raditi druge dijagnostičke pretrage.“

Zastupnica Vildana Bešlija je podnijela sljedeće (citiramo): „Ja imam inicijativu za izradu posebnog propisa kojim će se regulisati održavanje i sanacija fasada zgrada koje se nalaze u urbanom krajoliku i koji su pod posebnom zaštitom, te uključivanje općina, Grada i Kantona Sarajevo, iako je ovo obaveza stanara zbog sigurnosti građana i složenosti, mišljenja sam da je ovu oblast neophodno dodatno unaprijediti. Također, podnosim inicijativu da se na Pedagoškom fakultetu Univerziteta u Sarajevu pripremi i od naredne akademske godine uvede i realizuje neciklični ili ciklični program u trajanju od 4 semestra, a koji će biti namijenjen stručnom usavršavanju asistenata u nastavi koji su angažovani u inkluzivnom obrazovanju, odnosno kao podrška djeci i učenicima s teškoćama u razvoju. Naime, znamo svi da je preko 400 angažovano asistenata u nastavi kroz 3 nivoa obrazovanja u Kantonu Sarajevo, tako da dosta tih ljudi nisu stekli obrazovanje u stručno iskustvo ili stečene kompetencije na visokoškolskim ustanovama. Tako da smatram da bi ovo bilo vrlo korisno. Također bi inicirala da se na svim organizacionim jedinicama Univerziteta u Sarajevu, koje školuju kadar za angažman u oblasti obrazovanja, u skladu sa zakonskim procedurama i mogućnostima, inoviraju i programi sa fokusom na inkluzivno obrazovanje i direktni rad sa učenicima s teškoćama u razvoju. Također, ovaj inkluzivno obrazovanje, kao što sam rekla, jel već i navela, posebno zahtjeva određene sposobnosti. Mislim da u tom dijelu trebamo uraditi određene prilagodbe i po pitanju nastavnog kadra, kako bi u suštini ovaj, zajedno sa prethodnom inicijativom, ovo predstavljalo snažan doprinos jačanju sistemske podrške djeci i učenicima s teškoćama u razvoju u Kantonu Sarajevo. I zadnju inicijativu podnosim kojom tražim da se obezbijedi financiranje rada Univerzitetskog džender resursnog centra kao dijela Centra za ljudska prava. Naime, ovaj Centar postoji od 2022. godine, definisan je statutom Univerziteta, i to članom 44 i Univerzitet ima također postojeći, znači važeći, već drugi po redu, odnosno revidirani Gender akcioni plan koji važi do 2026. godine. Ovo je veoma važno postojanje ovog Centra koji je do sada iz nekih donacija se finansirao. Međutim, on je de facto sastavni dio Univerziteta i vrlo je definisan statutom i u sistematizaciji, tako da je prilikom konkurisanja ili određenih javnih poziva Univerziteta i rangiranja uopšte Univerziteta u međunarodnom krugovima, veoma je važno da imamo Centar koji će nasmetano funkcionisati i iskreno se nadam da se ovo neće više dešavati, odnosno da ćemo konačno finansirati iz budžeta ovakav Centar. Ostale inicijative ću podnijeti u pisanoj formi.“

Zastupnica Belma Kapo je podnijela sljedeće (citiramo): „Moja inicijativa se odnosi, odnosno upućujem je Ministarstvu zdravstva Kantona Sarajevo kako bi ministarstvo, kao i u niz situacija do sada, pomoglo i bolničkim ustanovama u Kantonu Sarajevo, javnim ustanovama da se obezbijedi adekvatna ishrana za ležeće pacijente u našim bolnicama koji imaju Celijakiju. Kako ishrana, tako i uslovi boravka u bolnicama da ovi ljudi ne moraju donositi od kuće hranu koju oni smiju jesti, kako primarno ako su tu zbrinuti zbog Celijakije, tako i ako su po nekom drugom osnovu na bolničkom liječenju moramo imati sistem koji ćemo obezbijediti da je njima boravak u bolnicama u ovom smislu bezbjedan. Ukoliko same ustanove procjene da nije moguće napraviti dio odvojeni i kuhinje i boravka tih ljudi u smislu da imaju poseban neki dio, možda se može na neki drugi način riješiti ovaj problem, ali ti ljudi tokom boravka u bolnicama, kako djeca, tako i odrasli, moraju imati sigurne uslove ishrane u bolnicama.“

Zastupnik Adi Kalem je podnio sljedeće (citiramo): „Ja ću imati dva pitanja, odnosno dva zahtjeva, a tiču se ugovora o djelu, pa molim resorna ministarstva i Ured za borbu protiv korupcije da mi dostave se sljedeći ugovor o djelu, a to je u svim Kantonalnim javnim komunalnim preduzećima u Kantonu Sarajevo, obzirom da imam informaciju da pojedini

uposlenici u pojedinim preduzećima sa stalnim ugovorom o radu mimo zakona dobivaju ugovor o djelu od po 10 000 konvertibilnih maraka. Moje slijedeće pitanje, također, prema informacijama koje sam dobio, kojima raspolazem u 2024 godini je iz namjenskih sredstava potrošeno preko 5 000 000 konvertibilnih maraka za nabavku tzv. Naprednih tehnologija u šumarstvu, a sve za proizvodnju biomase za peletaru, a paletare nigdje. Kupljena su dva farvardera vrijednosti cirka 1,7 000 000 maraka, jedna drobilica 2 000 000 maraka, jedan kran sa dizalicom 1,4 milijuna maraka, AST mašina 400.000 maraka, ostali priključci 400.000 maraka. Plus tu je i Komisija koja je bila određena ispred Ministarstva za uspostavu ove peletare cirka 400 000 komercijalnih maraka. Mislim da je ovo jako ozbiljno pitanje. Mi još nemamo niti p od peletare. Moje pitanje resornom ministarstvu, kantonalnom, javnom komunalnom preduzeću Sarajevo šume, što se dešava sa ovim predizbornim obećanjem? Dokle ćemo više čekati na ove propale investicije? Svakako na oba ova pitanja tražim pismeni od odgovor.“

Zastupnica Arijana Memić je podnijela sljedeće (citiramo): „Za danas imam jednu inicijativu koju zajedno sa kolegicama Mehmedagić i Gaković upućujem prema Vladi Kantona Sarajevo da se fondacija lokalne demokratije proglasi Udruženjem od posebnog interesa za Kanton Sarajevo fondacija lokalne demokratije lokalna nevladina organizacija sa više od 28 godina kontinuiranog rada na promociji, zaštiti ljudskih prava, s posebnim fokusom na žrtve rodno zasnovanog nasilja, sigurna kuća kojom upravlja Fondacija lokalne demokratije jedina je takva ustanova u Kantonu Sarajevo od 2000-te godine do danas, zbrinula je 2506 žrtava, a kroz SOS liniju primila preko 18 000 poziva. Sigurna kuća nudi dva skloništa za žene i djecu, te za djevojke žrtve seksualnog nasilja. Fondacija lokalne demokratije pruža psihosocijalnu podršku korisnicama, stručno osoblje radi na jačanju, samopouzdanje i samopoštovanje žrtava te njihovom ekonomskom osnaživanju i pripremi za samostalniji život nakon izlaska i skloništa. Centar za žene, koji također vodi i fondacija lokalne demokratije, godišnje pomaže oko 500 korisnica iz ranjivih grupa, uvažavajući dosadašnji doprinos fondacije lokalne demokratije u oblasti zaštite i ljudskih prava, a naročito prava žena i djece. Smatramo da ispunjavaju sve uslove za sticanje statusa udruženja od posebnog interesa za Kanton Sarajevo. Zajedno sa kolegicama imali smo priliku posjetiti sigurnu kuću gdje smo imali priliku iz prve ruke vidjeti važan i predan rad koji svakodnevno obavljaju u zaštiti žena i djece žrtava nasilja. Na temelju toga i pokrećemo ovu inicijativu. I pitanje upućeno Zavodu za pružanje besplatne pravne pomoći Kantona Sarajevo. Dakle da li planira u okviru svojih nadležnosti pojačati aktivnosti na promociji i pružanju besplatne pravne pomoći svim povratnicima iz Kantona Sarajevo. Naći do oblasti rješavanja imovinsko pravnih odnosa, s obzirom na tu da je to 1 od gorućih problema sa kojima se povratnici susreću.“

Zastupnica Sebija Izetbegović je podnijela sljedeće (citiramo): „Dakle, ja imam dva pitanja i imam jednu inicijativu. Pitanja su upućena prema ministru Hasanoviću, uz napomenu da nisam dobila odgovor na pitanja postavljeno na prošloj sjednici, a u vezi sa dopisom o imenima ljekara koji rade i privatno i u javnozdravstvenim ustanovama, u kojim ustanovama rade i kolike su liste čekanja na njihove usluge. Dakle, moje prvo pitanje za ministra Hasanovića danas, odgovor na ovo pismeno očekujem, naravno, uskoro. Pitanje postavlja i tražim usmeni i pismeni odgovor. Prvo pitanje. ministar Hasanović bi trebalo da nam da odgovor javno šta se dešava sa djecom koja su zaražena sa Enterobacter clocae, koja su posljedično dobila teške oblike meningitisa. Gdje se ta djeca trenutno nalaze? Ko vodi brigu o njima? Koliko te djece se nalazi u Turskoj na liječenju? Ko plaća te troškove? Ko će se brinuti o njihovoj rehabilitaciji itd. jer će ona biti neophodna. Drugo bi pitanje da li ministar Hasanović zna da danas na Klinici za nuklearnu medicinu Kliničkog centra Univerziteta u Sarajevu nema kodnih kapsula, tako da pacijenti sa karcinomom štitnjače već 7 dana ne primaju terapiju ?U prosjeku 4 pacijenta dnevno sa karcinomom štitnjače prima terapiju, što znači da ih je u ovom trenutku 28 već koji nisu dobili

potrebnu terapiju. Inicijativa koju upućujem odnosi se na pomijeranje ovog izvještaja skidanja Izvještaja Univerziteta u Sarajevu sa dnevnog reda zbog velikog broja nedostataka koji se pojavljuju, između ostalog u ovom Izvještaju, plate, naknade i doprinosi nisu iskazani pojedinačno, onako kako je potrebno, nego su zbirno, tako da nemamo detaljne podatke. Izdaci za stalno, odnosno osnovna sredstva se ne prikazuju na način koji nam transparentno pokazuju kako su utrošena. Nisu jasno prikazali analitiku putnih troškova kako, gdje, kada je putovao, koliki su bili iznosi svih pratećih drugih troškova. Dakle, izvještaj je generalno loš i netransparentan, a mora biti jasan, nedvosmislen, detaljan i potpuno transparentno prikazan. Ostale detalje ću, naravno, navesti u diskusiji”.

Zastupnica Mersiha Mehmedagić je podnijela sljedeće (citiramo): „Za danas imam jednu inicijativu, a pitanja ću dostaviti pismenim putem. Inicijativu pokrećem, odnosno upućujem Kantonalnom javnom komunalnom preduzeću gradski saobraćaj d.o.o. Sarajevo da revidira red vožnje tramvajskog saobraćaja na relaciji Ilidža - Bašćaršija intenzivira frekventnost vožnje iz pravca Bašćaršije u periodu od 15 do 17 sati i da zabrani iskrcavanje putnika na ostrvu kružnog toka na Ilidži, uz sljedeće obrazloženje. S obzirom da su u periodu od 15 do 17 sati primjetne veće gužve u javnom gradskom prijevozu na relaciju od Bašćaršije ka Ilidži, posebno od 15, 30 do 16 i 30, potrebno je prilagoditi red vožnje protoku putnika, nerijetko putnici iz pravca Bašćaršije čekaju tramvaj duže od 15 minuta, a po dolasku na Ilidžu se često ne mogu odmah iskrcati na tramvajskoj, na tramvajskom stajalištu zbog velikog broja već parkiranih tramvaja na koje su prethodno čekali. Vozači, potom pribjegavaju iskrcavanju putnika na ostrvu kružnog toka, čime se dovode u opasnost kako putnici tako i učesnici saobraćaja u kružnom toku. Usput se uslijed nepropisnog iskrcavanja putnika uništava Zelena površina kružnog toka koju drugo javno preduzeće uporno pokušava održati uređenom. Gomilanje tramvaja na početnoj stanici, čekanje na isto na drugoj strani je očito posljedica neadekvatnog reda vožnje, a ne nedostatka vozila te molim da se hitno pristupi revidiranju reda vožnje shodno stvarnim potrebama putnika.“

Zastupnica Miomirka Melank je podnijela sljedeće (citiramo): „U dosadašnjih nekoliko pokušaja revitalizacije urbanističke cjeline Skenderije naišlo se na nepremostive prepreke, prije svega pravne, pa zatim političke i najviše administrativne prirode koje su javnosti izazvale stanovite konstrukcije i teorije zavjere. Još prije 6 godina bili su organizovani naučni skupovi, okrugli stolovi, konsultacije sa domaćim i međunarodnim stručnjacima iz oblasti razvoja, arhitektonskog planiranja, ekonomije i istorije arhitekture izrađene su i određene početne studije i aktivirana javnost, ne iznalaženi načina da se Skenderija ponovo osmisli i rekonstruira. Koristeći prvobitne regulacione planove kao osnov za kreiranje ideja napravljene više izvještaja, analiza, čak i projekata. Bila su obezbijedena značajna finansijska sredstva, ali do realizacije implementacije tih sredstava nikad nije došlo, stoga sada podnosim inicijativu da Vlada Kantona Sarajevo osnuje stručni tim za izradu plana menadžmenta konzervacije objekta Centra Skenderija u Sarajevu. Taj je tim potreban iz nekoliko razloga. Na prvom mjestu je očuvanje kulturne baštine Centar Skenderija ima značajnu kulturni-historijsku vrijednost u smislu kulturno-istorijskog i arhitektonskog naslijeđa. Sličnu vrijednost imaju npr. Begova džamija i Skenderija. Plan menadžmenta konzervacije će izraditi tim stručnjaka u saradnji ili konzultacijama sa zavodima za zaštitu spomenika kulture, istorijske baštine, stake holderima, gradom, općinama, strukovnim udruženjima, naučnicima, fakultetima, svima koji su zainteresovani radi očuvanja i zaštite ovog objekta. Samo cjelovit pristup, uključivši detaljno snimanje stanja zapuštenosti i ukupne konstruktivne sigurnosti može unaprijediti očuvanje Skenderije, sistemski pristup će pomoći u identifikaciji, rješavanju konceptualnih, a prije svega građevinskih oštećenja i konstruktivnih problema koja su nastali zbog starosti ili prirodnog trošenja neredovnog održavanja, čime se planira inovirati, produžiti životni vijek i održivost objekta. Zadovoljavanje pravnih zahtjeva ključno je za konzervaciju Skenderije. Pokazalo se da je kompleksna vlasnička struktura prepreka za formulisanje integralnog plana i poštovanje zakonskih obaveza. Plan menadžmenta osigurati će

da se i ovi aspekti konzervacije sprovedu u skladu sa važećim zakonodavstvom. Finansijsku efikasnost omogućit će dobro osmišljen plan te pomoći optimizaciji troškova konzervacije i pronalaženje izvora financiranja kao što su budžetska sredstva, investicije, grantovi ili donacije. Konzervacija će obezbijediti povećanje atraktivnosti, očuvanje kulturnog i sportskog i preduzetničkog sadržaja Centra Skenderija, a jasan plan će privući zanimanje za ulaganje u kvalitetne sadržaje za turiste, lokalno stanovništvo, doprinoseći razvoju lokalne ekonomije. Formiranje tima za kreiranje plana menadžmenta može konačno i ključno doprinijeti realizaciji kvalitetne i trajne konzervacije, predstavlja sistematičan pristup koji može osigurati historijsku i ekonomsku održivost Centra Skenderija.“

Zastupnica Smiljana Viteškić je podnijela sljedeće (citiramo): „Ja imam jedno pitanje na koji je odgovor tražim od četiri institucije. Znači prvo da mi Ministarstvo odgoja i obrazovanja Kantona Sarajevo precizno odgovori od kada do kada je po ugovoru o djelu u tom Ministarstvu bio angažovan Ismar Selimović? Ko je poslove obavljao po ugovoru o djelu? Od Ureda za borbu protiv korupcije Kantona Sarajevo tražim dostavu pisanih podataka za gore navedeno lice od kada do kada je bio angažovan po ugovoru o djelu i kada je zvanično zasnovan radni odnos u Ministarstvu obrazovanja i odgoja? Upravne inspekcije tražim da mi odgovori da li je uopće kontrolisala ugovore o djelu kroz redovne nadzore ili samo po zahtjevu nadležnih institucija? I četvrto, od predsjedavajućeg Skupštine Kantona Sarajevo tražim odgovor po kojem osnovu je Ismar Selimović uporedo bio član Zakonodavno-pravne komisije Skupštine Kantona Sarajevo, ako je bio, i angažovan po ugovoru o dijelu u Ministarstvu i po kojem osnovu, do kada je bio član Zakonodavno-pravne komisije i kada je prestao biti član iste? Tražim pisani odgovor, zahvaljujem.“

Zastupnica Marijela Hašimbegović je podnijela sljedeće (citiramo): „Za ovu sjednicu pripremila sam dvije inicijative. Iskoristit ću svoje vrijeme da prezentiram jednu od njih. Dakle, upućujem inicijativu da se poništi Rješenje o prekidu radnog odnosa za radnika KJKP Vodovod i kanalizacija Samira Nunbegovića, koji je dobio otkaz u radu iako je zaštićeni svjedok u svojstvu prijavitelja korupcije. Tražim da Kantonalna uprava za inspekcijske poslove izvrši inspekcijski nadzor i preispita zakonitost cijelog procesa. Na ovaj način šalje se pogrešna poruka, zastrašuju se i degradiraju uposlenici koji prijavljuju korupciju, što je suprotno transparentnom i zakonitom radu. Ovakve radnje ohrabruju rukovodioce, direktore uprave na zloupotrebu položaja i ugrožavanje osnovnih ljudskih prava.“

Zastupnica Jelena Pekić je podnijela sljedeće (citiramo): „Moja današnja inicijativa se odnosi na činjenicu, odnosno moj prijedlog da se poduzmu dodatne aktivnosti na uklanjanju nepropisno parkiranih vozila u suradnji Uprave policije i Kantonalnog javnog komunalnog poduzeća RAD Sarajevo. Uzimajući u obzir početak turističke sezone jer značajan porast broja registrovanih vozila na području Kantona Sarajevo upućujem inicijativu, dakle i prema Upravi policije i RAD-u, da od tačnije Pauk službi da se pojača nadzor i aktivnost na terenu s ciljem uklanjanja nepropisno parkiranih vozila. Naime, veliki broj vozila svakodnevno ometa normalno odvijanje saobraćaja i onemogućava sigurno kretanje pješaka. Zbog toga predlažem da se formiraju mobilni timovi sastavljeni od policijskog službenika i operativca iz Kantonalnog javnog komunalnog preduzeća RAD, da se osigura kontinuiran obilazak terena, te da vozila koja su očigledno i dokumentovano nepropisno parkirana budu odmah uklonjena u skladu sa važećim propisima. Također, iniciram da se organizuje rad Pauk službe i nakon 22:00 sata u toku ljetnog perioda, ne samo po pozivu. Ova mjera doprinijet će većoj sigurnosti svih učesnika u saobraćaju, boljoj protočnosti ulica, zaštiti pješačke infrastrukture, kao i povećanju ukupnog reda i disciplini u saobraćaju. I drugo. Upućujem prema Vladi Kantona Sarajevo da se ukine moratorij na upošljavanje na neodređeno vrijeme kvalificiranih odgajatelja koji kontinuirano ispunjavaju profesionalne obaveze i standarde pri Javnoj ustanovi Djeca Sarajeva. Naime, ja sam već ranije

upućivala ovu inicijativu i dobila sam odgovor od resornog ministarstva da se poduzimaju sve neophodne mjere u cilju jačanja kadrovske politike pri ovaj Javnoj ustanova Djeca Sarajeva. Međutim, u tom odgovoru je navedeno da postoji moratorij Vlade Kantona, koji obuhvata i ovu instituciju. I s obzirom da sam u prošloj inicijativi objasnila da ovakav način dosadašnjeg zapošljavanja odgajatelja u našim vrtićima generira značajne negativne posljedice po psihosocijalni razvoj djece i smatram i iniciram prema Vladi Kantona Sarajevo da razmotri ukidanje moratorija na ovaj dio zapošljavanja“.

Zastupnik Muamer Bandić je podnio sljedeće (citiramo): „Postavljam pitanje, odnosno inicijativu prema Fondu Memorijala, Ministarstva za boračka pitanja ili institucijama koje su u okviru tog ministarstva. Odnosi se na sljedeće. Odnos vlasti prema spomenicima koji svjedoče istinu odbrane ove zemlje često je poražavajući. Mezarje na Igmanu, Mrazištu, jedno je od mjesta koje traži i zaslužuje više pažnje. To je mjesto istine i istine da su ovom zemljom obuhvatili vitezovi, vitezovi koji su spriječili nakane kreatora svjetskih politika da se jednog prostora protjeraju, pobiju, izbrišu historiju jednog naroda, naroda koji oduvijek živi u Bosni i Hercegovini. Pozivam nadležne institucije da s jednakim poštovanjem, pažnjom i odgovornošću uređuju i održavaju sva spomen-obilježja i mezarja ovih gazija. Jer ti ljudi su svojom hrabrošću, odlučnošću i požrtvovanošću pokazali kako se brani država, narod i zemlja koja se voli. Imam pitanje za Ministarstvo sporta. Bokserski savez Kantona Sarajeva je podnio ovo zahtjev za upis u Sudski registar o promjeni organa. Iz određenih razloga nekih prigovora, žalbi, Ministarstvo pravde i uprave je na nadležno postupanje taj predmet dostavilo Ministarstvu sporta i kulture. Evo, pitam ministra, okolnost da je to već prije 3 mjeseca urađeno i da je podnijeta ta cjelokupni predmet vama na postupanje, zamolio bih zaista da mu odgovori u kojem vremenskom periodu će biti riješen ovaj njihov zahtjev. Okolnost da se bokseri moraju pripremati za određenu vrstu takmičenja, a veliki broj njih dolazi upravo iz Kantona Sarajevo. Evo, ako može ministar da mi odgovori usmeno dakle, kada će ovaj predmet konačno biti okončan. I evo, želim samo dvije informacije, pošto sam prije izvjesnog vremena podnio dvije inicijative. Jedna se odnosi prema Ministarstvu zdravstva, odnosi se na otvaranje nove ambulante u naselju Ciglane i druga je bila uređenje, dakle, odnosno dodjeljivanje trećeg doktora, ambulantu u Leščima i omogućavanje određenih vrste dodatne usluge koja je bila prije korone koja se odnosi na ispitivanje krvi, odnosno laboratorijske nalaze. Ni jedna od tih inicijativa nije u stvari okončana u konačnosti i u potpunosti. Imam još jedno pitanje, dakle, kada će mi svi oni koji sam sve institucije od kojih sam tražio da mi dostavljaju svoje pravilnike o sistematizaciji radnih mjesta dostaviti u obliku u kojem sam to tražio? Zaista, evo, zamolio bih, dakle, rukovodstvo i predsjedavajućeg, da u tom kontekstu pozovu sve one koji to nisu uradili, ja se već obavio i razgovor u Uredu za borbu protiv korupcije. Oni su me uputili da još jednom, dakle na ovaj način, evo reagujem, a u konačnici da uputim i njima jedan zahtjev, gdje bi oni svojom aktivnošću koja im je propisana njihovim zakonom, dakle, u konačnici tražili takvu vrstu, takvu vrstu dokumenata. Ali evo, da izbjegnemo odmah neka prejudiciranja, a okolnost da se radi o Uredu za borbu protiv korupcije i da se nešto tamo dešava, ja bih zamolio ipak predsjedavajućeg da na neki način proprati tu inicijativu i da sve one institucije koje nisu dostavile odgovor, a velik broj njih jeste, ipak da to dostave jer se radi o mojoj poslovničkoj, dakle mogućnosti. Ja želim da ona bude u potpunosti ispoštovana. Okolnost da me upućuju, dakle, na određenu vrstu, određenu vrstu moje spoznaje tih podataka na određenu stranicu. Institucije kojima ja to predajem nisu ustvari prihvatile takvu vrstu njihovog obrazloženja i treba nam pisani akt koji će biti opečaćen od strane, dakle instituciji i potpisane od strane tog rukovodioca.“

Zastupnica Sanela Klarić je podnijela sljedeće (citiramo): „ministru Pandureviću. Po mojim saznanjima, Komisija je završilo Uredbu izmjene i dopune Uredbe o uređivanju, održavanju zelenih i rekreativnih površina u Kantonu Sarajevo i Ministarstvu je praktično trebalo

da iskomunicira te izmjene i dopune sa svim zainteresovanim stranama. Prošlo je već 2 mjeseca i voljela bih da znam kada će ministarstvo uputiti ovu važnu Uredbu da je usvoji Vlada, jer ona donosi vrlo važne promjene kada govorim o uređenju otvorenih zelenih površina. I naravno, još jedno pitanje vezano za Urbanistički plan, nadam se da je vrijeme da Urbanistički plan bude na dnevnom redu ove Skupštine. I također uputila sam, nakon što sam postavila pitanje Ministarstvu obrazovanja o kapacitetima i planovima za otvaranje novih muzičkih osnovnih škola, nisam dobila odgovor. Iz tog razloga smo na terenu, zajedno sa kolegama iz opštinskog odbora Novi Grad, radili sa Opštinom Novi Grad koja je zeleno svjetlo. Onda smo radili anketu sa građanima gdje su preko 200 roditelja na teritoriji opštine Novi Grad, 96 % njih se slaže da na Opštini Novi Grad, na kojoj trenutno nema osnovne muzičke škole, je neophodno jer je ona i najveća opština u Kantonu Sarajevo, da se otvori 1 osnovna muzička škola jer većina njih, preko 70 % svoju djecu vodi u Novo Sarajevo ili Ilidžu ili plaća privatne Muzičke škole, što smatramo da nije dopustivo i da bi praktično sigurno, pogotovo nakon ove ankete, trebalo da Vlada Kantona Sarajevo zajedno sa ovim ministarstvom podrži otvaranje osnovne muzičke škole u Opštini Novi Grad i ovim putem se zahvaljujem Emiru Hadžialjeviću, prof. muzičkog obrazovanja koji je ustvari zajedno Adijem Škaljićem, pokrenuo ovu inicijativu.“

Zastupnik Mahir Dević je podnio sljedeće (citiramo): „4. juli 1992 godine je najtragičniji i najteži datum za stanovnike vogošćanskog naselja Tihovići. Nakon što su zločinci izvršili napad na Tihoviće, ubijeno je 30 nedužnih stanovnika na monstruoan način te su ubijeni i zatrpani u masovne grobnice. Prestankom ratnih dešavanja i povratkom na svoja ognjišta, izvršena je ekshumacija te je klanjana đenaza na mjesnom mezarju Tihovići. Identifikacija posmrtnih ostataka izvršena klasičnom metodom, što je podrazumijevalo da su napravljene određene greške prilikom ekshumacije navedenih tragično ubijenih stanovnika vogošćanskog naselja Tihovići. 2020 i 22. godine nakon uzimanja i obrade DNK uzoraka koje je trajalo nekoliko godina, tijela su kompletirana, porodice su dale saglasnost za ukop i klanjanje đenaze. Kolektivna dženaza za 11 nedužno ubijenih i obilježavanje godišnjice stradanja je bilo 04 jula 2025. godine. Zašto se Vlada Kantona Sarajevo oglušila na proglašenje dana žalosti u Kantonu Sarajevo? I zašto predstavnici aktualne trojke vlasti u Kantonu Sarajevo nisu bili prisutni prilikom kolektivne dženaze u ovom mjestu? Tražim usmeni odgovor od strane premijera ili predstavnika Vlade Kantona Sarajevo, a mogli smo, barem i na početku sjednice Skupštine, da se sjetimo ovih ljudi, barem jednom Fatihom ili minutom ćutnje, svako na svoj način. Drugo pitanje? Pitanje koje postavljaju uposlenici svih institucija u Kantonu Sarajevo, zašto se regres nije isplatio u Kantonu Sarajevo i kada planira, evo ministar financija, usmeni odgovor, da nam da kada planira ta zakonska obaveza da se izvrši prema svim uposlenicima u Kantonu Sarajevo? I jedna inicijativa koju sam postavio prema tadašnjem premijeru Forti, a evo sada je, ponavljam, i prema njegovom nasljedniku, gospodinu Uku, u smislu izrade registra službenih automobila u Kantonu Sarajevo. Naravno, gospodin Forto me je slagao da će tu inicijativu ovaj riješiti. Nadam se da njegov nasljednik, gospodin Uk, neće. Stotine službenih automobila u Kantonu Sarajevo koriste u privatne svrhe, čak neki razvoze i drogu po Kantonu Sarajevo. Da smo imali registar tih automobila u Kantonu Sarajevo i ne daj Bože, ugrađen sistem GPS koji bi pratio ponašanje, vidjeli biste da ti automobili hodaju i prave stranačku infrastrukturu po Federaciji Bosne i Hercegovine, vidjeli biste da se vozažu po vikendicama, došli bismo do podataka da se radi o stotinama automobila koje vi i vaše sekretarice i vaši drugovi, partijski i drugarice, koriste u privatne svrhe. Prema tome, pokrećem inicijativu prema premijeru i Vladi da se konačno uradi registar svih službenih automobila u Kantonu Sarajevo, da se isti evidentira i objavi na zvaničnoj stranci Vlade Kantona Sarajevo ili eventualno, ne znam neki od institucija, da se zna tačno s kojim vozilima mi raspoložemo službenim u Kantonu Sarajevo.“

Zastupnik Albin Zuhrić je podnio sljedeće (citiramo): „Imam jedno pitanje za ministra Pandurevića i Vladu. Podignute su cijene vode i podignute su cijene grijanja. I podigli ste cijene javnog prijevoza. I očekujemo podizanje cijena odvoza smeća. Dakle, u RAD-u i u Pokopu. Prvi ozbiljan politički potez ministra Pandurevića, dakle iz oblasti njegovog resora, je bio da podigne cijene, pardon, prvi politički potez mu je bio da ode na godišnji odmor kada je postao ministar, drugi mu je potez da podigne cijene. Ta povećanja dolazi na već postojeću, tešku situaciju u kojoj se građani nalaze, koja je uzrokovana radom vaših kolega na višim nivoima vlasti. Možda ste nekim ljudima sa minimalnom platom pomogli, ali danas, ako ste imali 200 maraka, ona vrijedi 1000 maraka zbog inflacije koju ste prouzročili. Od nekih 450 000 penzionera 240 000, više od pola je na minimalnoj penziji, a prosječna penzija, inače, u Federaciji nam je oko 760 maraka. Taj ministar Pandurević, koji je napustio sjednicu, bio je s nama ovdje na početku, je nekako s nipodaštavanjem govorio o nekoj svojoj maloj platici od 3,5 hiljade maraka, zadnji put kada je gostovao na Kliksu, ali mu ne smeta da diže i cijene za građane koji živi od 600 maraka u situaciji kada oni realno sada vrijede 400. Može pitanje. Je li vas stid? Je li vas stid? Dakle, cijeloj Vladi i ovoj skupštinskoj većini koja će nas zadužiti više nego i jedna ikada do sad, koja ne steže svoj kajs prije nego što počinje naplaćivati građanima, nego čak zapošljava sebi dodatne savjetnike, ali ljudima koji su u najgoroj situaciji, dakle penzionerima, naplaćuje veće usluge na sve moguće načine. Eto, to vam je pitanje, jel vas stid?“

Zastupnik Davor Čičić je podnio sljedeće (citiramo): „Pošto je ovo tačka pitanja i inicijative, evo ja bih zaista zamolio da ne vršimo rasprave jer ovdje nije mjesto rasprave, rasprave imamo po tačkama dnevnog reda, pa nek svako raspravlja kako želi, ja evo samo skrećem pažnju. Mogu i ja sada ovo iskoristiti da ovdje ja raspravljamo 100 stvari koje nemaju veze sa ovom tačkom dnevnog reda, ali evo. Ja sam, evo, vezano je za ovu inicijativu zastupnika Devića, ja apsolutno podržavam vezano, ja sam tu inicijativu podnio već ima neko vrijeme, može se utvrditi u skupštinskim materijalima vezano i za označavanje službenih auta i za osnivanje registra službenih auta pri Uredu za borbu protiv korupcije jer oni imaju razne registre, mogu imati taj jedan registar, tako da to pitanje, ono i ja podržavam. Davno sam predao za to, tako da mislim da to na neki način treba da se riješi, ali ja neću sad populistički kao vi, kolega Dević, sad pričati ko koristi ta službena auta, a u vaše vrijeme vladavine ta auta su itekako korištena na puno gore načine nego na ovaj, kako ste vi naveli, ali ja neću o tome da diskutujem niti ovo vrijeme ni mjesto, a imat ćemo prostora da to kažemo. Tako da ne trebamo na ovaj način zloupotrebljavati. Inicijativa je dobra, ja je podržavam, podnio sam je prije, ali to populistički ko voda sekretarice, možemo milion primjera vaše vlasti, vaših ministara ko je koga vozao i gdje je vozao, ali ovo nije, ali ovo nije, ali ovo nije ni vrijeme ni mjesto da se to. Ja samo nastavljam na ono što je kolega Dević, kolega Kapidžiću pričao tako, ako on, ako on ima pravo da priča, imam i ja pravo da pričam. Tako da ja ću podnijeti ovdje zastupničku inicijativu prema Ministarstvu za odgoj i obrazovanje, Javnoj ustanovi Djeca Sarajeva, a tiče se uređenja dječjeg igrališta i parka u vrtiću Košuta koje se nalazi u naselju Hrasno. S obzirom da je dosta vrtića i škola u proteklom periodu kroz inicijative i kroz radove Vlade i obnovljeno i dosta igrališta obnovljeno, ovaj vrtić na neki način, odnosno igralište ovog vrtića, nije došao na red što se tiče obnavljanja i zaista se nalazi u jako lošem stanju i već neko vrijeme već sam i prije podnosio inicijativu po pitanju rješavanja ovog igrališta, jer zaista sav mobilijar koji se tamo nalazi je, baš da tako kažem, lošije stanje, pa evo, podnosim još jednom inicijativu i zaista smatram urgentnim da se to pitanje riješi. Znam da Ministarstvo i djeca Sarajeva imaju neki plan rekonstrukcije toga, ali ovo je zaista se nalazi u jako lošem stanju. I evo, kroz ovu inicijativu zaista pokušavam da urgiram, da što prije dođe na red, da se taj vrtić, odnosno igralište u tom vrtiću, obnovi.“

Zastupnik Elvedin Okerić je podnio sljedeće (citiramo): „Koristim svoje pravo da podnesem inicijativu prema Vladi Kantona Sarajevo i Ministarstvu pravde i uprave Kantona

Sarajevo, Upravnom inspektoratu. Tražim od Vlade da mi dostavi pregled isplata po osnovu ugovora o djelu, ugovora o privremenim i povremenim poslovima po svim ministarstvima Kantona Sarajevo, od januara 2005 do decembra 2024 godine sa podacima predmet ugovora, isplaćen iznos, period na koji se ugovor zaključio. Tražim da mi Vlada Kantona Sarajevo dostavi informaciju o tome koliko inspekcijskih nadzora realizirao Upravni inspektorat Ministarstva pravde i uprave Kantona Sarajevo o kojima su predmet nadzora bili zaključeni ugovor o djelu ili ugovoru o privremenim i povremenim poslovima, i to za period od 2005. do 2024. Informacija treba da sadrži broj obavljenih nadzora po gore navedenim predmetima nadzora i to po godinama Kantonalnim organima uprave i općinskim organima uprave, ministarstva, te posebno za svaku opštinu u Kantonu Sarajevo, te koje su mjere inspektori naredili kao informaciju, da li su subjekti nadzora iskoristili pravo žalbe na rješenja u navedenim inspekcijskim nadzorima, te kako je drugostepeni organ odlučio po eventualnim žalbama. Tražim da Upravni inspektorat Ministarstva pravde i uprave Kantona Sarajevo obavi inspekcijski nadzor nad zaključenim ugovorima o djelu i ugovorima o privremenim i povremenim poslovima u svim organima Uprave Kantona Sarajevo, kao i općinskim organima uprave na području Kantona Sarajevo, sve to za period od januara 2012 do decembra 2020. godine.“

Zastupnik Jasmin Šaljić je podnio sljedeće (citiramo): „Inicijativa prema Vladi, Ministarstvu unutrašnjih poslova i Skupštini Kantona Sarajevo. Inicijativa za formiranje pomoćnog sastava Ministarstva unutrašnjih poslova Kantona Sarajevo. Naš odgovor ne treba biti samo reakcija, nego i racionalan odgovor na postojeće sigurnosne izazove. Pomoćni sastav policije Kantona Sarajevo bio bi od velike koristi i to iz više razloga. Evidentan je hroničan nedostatak policijskih službenika u Kantonu Sarajevo, nepokrivenost terena je očita, to vide i građani, a uz trenutne kapacitete Policijskih akademija na Vracama, samo kadetima iz Kantona Sarajeva bilo bi potrebne najmanje 3 godine da završe obuku, stupe u radni odnos i popune upražnjena radna mjesta, po sistematizaciji. U isto vrijeme Akademiju koriste i ostali kantoni koji se suočavaju sa istim problemima. Dodatno, sektor policije prolazi kroz prirodnu smjenu generacija. Mnogi službenici zaposleni tokom i neposredno nakon agresije generacije iz 1996 i '97. godine ispunjavaju uslove za penziju. Očekuju se da će u ovoj godini iz MUP-a KS biti penzionisano oko 150 policijskih službenika, a slični brojevi se očekuju u naredne 2 godine. Nedostatak ljudstva direktno utječe na sigurnost građana, njihove imovine i javnog reda i mira. U posljednje 4 sedmice svjedočili smo različitim krađama, tučama, ubistvima, nasilničkom ponašanju, upotrebi vatrenog oružja, pa čak i bacanje ručnih bombi u naseljenim mjestima. Kamere, aplikacije i tehnologija ne mogu zamijeniti živog policajca. Građanima je važan osjećaj sigurnosti koje dolaze samo u slučaju kada vide pješačku ili auto-patrolnu jedinicu u svojim naseljima, ulicama, parkinzima i raskrsnicama. Jedan od povoda za djelovanje su najave entiteta Republika Srpska o formiranju, tzv. pomoćnog sastava Policije RS. Nije nikakav problem formirati rezervni pomoćni sastav policije, potrebno je samo politička volja da se raspiše javni poziv jer postoje kapaciteti u svim policijskim upravama. U javnom pozivu se može navesti da se prioriteto razmatraju kandidati koji su u prethodnim javnim konkursima učestvovali na testiranjima i ostvarili dobre rezultate i koji su zavedeni u dokumentaciji koju posjeduje MUP Kantona Sarajevo, uz uslov da nisu stariji od 30 godina. Rezervno pomoćnom policajcu u radu dodijeliti mentora, tj. aktivnog policajca, te u zavisnosti od rada i zalaganja, rukovodioci policijskih uprava će ih slati na redovnu obuku na Policijsku akademiju Vraca. Za ove aktivnosti potrebno je izdvojiti određena tehnička sredstva koja će izdvojiti Vlada Kantona Sarajeva. Tačan broj nedostajućih policajaca i finansijskih sredstava nisam naveo iz opravdanih i sigurnosnih razloga. Ja vam predlažem da ozbiljno ovo razmotrimo. Ja kao i vi, računam da će Visoki predstavnik reagovati, da će Ustavni sud ovo proglasiti ništavnim, ali možda će i skupština entiteta RS u međuvremenu povući ovu odluku. Nama su potrebni ovi ljudi i ovo je jedno od rješenja kako da popunimo nedostajući kadar i da jednostavno ne čekamo nekakvu, da ne bude

samo neka reakcija, nego da na ozbiljan način ovo prostudirate i razmislite. Imam jedno pitanje za premijera Uka i resorna ministarstva socijale i boračka pitanja. Prošlu sjednicu sam pokrenuo inicijativu da ispravimo jednu nelogičnost. Radi se o ratnim vojnim invalidima koji imaju invaliditet 90, 100 %, manja su im, njihovoj djeci manji je dječji dodatak u odnosu na ratne vojne invalide od 20% do 80 %. Pa zamolio bih premijera Uka ili nekoga da vidim jesu li po tom pitanju nešto uradili.“

Nakon iscrpljene liste prijavljenih za pitanja i inicijative, odgovore na postavljena pitanja su ponudili: *premijer Nihad Uk, ministar za sport i kulturu, Kenan Magoda, ministar zdravstva, Enis Hasanović i ministar finansija, Afan Kalamujić.*

Realizacija tačke dva.

AD-2.

PRIJEDLOG ZAKONA O IZMJENAMA I DOPUNI ZAKONA O VISOKOM OBRAZOVANJU- SKRAĆENI POSTUPAK

Zastupnici su materijal dobili uz poziv za sjednicu. Uvodne napomene u ime predlagača podnijela je ministrica Darja Softić-Kadenić.

U diskusiji su učestvovali zastupnici: *Damir Marjanović, Mahir Dević, Belma Kapo, Faruk Selmanović, Marijela Hašimbegović, Haris Zahiragić i Muamer Bandić.*

U međusobnom repliciranju su učestvovali zastupnici: *Elvedin Okerić – Mahir Dević.*

Poslovničku intervenciju je koristio zastupnik *Muamer Bandić.*

Zaključivši diskusije, predsjedavajući je dao na glasanje inicijativu zastupnika Elvisa Vrete da se omogući pauza u trajanju od 90 minuta, što su zastupnici jednoglasno podržali, (s 18 glasova „za“).

NASTAVAK NAKON PAUZE

U nastavku sjednice nakon pauze, predsjedavajući je *u skladu s članom 94. Poslovnika Skupštine KS predložio, a zastupnici većinom glasova podržali da se izjašnjavanje po ovoj tački provede odmah, (s 25 glasova „za“ i 1 glas „suzdržan“).*

Na osnovu rezultata glasanja, predsjedavajući je konstatovao da je Skupština jednoglasno donijela Zakona o izmjenama i dopuni Zakona o visokom obrazovanju, (s 26 glasova „za“).

Realizacija tačke tri.

AD-3.

PRIJEDLOG ZAKONA O IZMJENAMA I DOPUNAMA ZAKONA O SUDSKIM TAKSAMA

Zastupnici su materijal za tačku dobili uz poziv za sjednicu. Uvodno izlaganje u svojstvu predlagača podnio je ministar finansija, Afan Kalamujić.

U diskusiji su učestvovali zastupnici: *Faruk Selmanović, Jasmin Šaljić, Mahir Dević, Muamer Bandić i Elvis Vreto.*

U međusobnom repliciranju su učestvovali zastupnici: *Mahir Dević – Muamer Bandić.*

Poslovničku intervenciju je imao zastupnik Davor Čičić koji je tražio pauzu u ime Kluba zastupnika SDP-a.

NASTAVAK NAKON PAUZE

U nastavku nakon pauze, predsjedavajući je pozvao zastupnike da se izjasne u skladu s Članom 94. Poslovnika Skupštine KS, *te je na osnovu rezultata glasanja konstatovano je da je Skupština jednoglasno prihvatila da se izjašnjavanje o Prijedlogu Zakona o izmjenama i dopunama Zakona o sudskim taksama provede odmah.*

Na osnovu rezultata glasanja konstatovano je da je Skupština većinom glasova donijela Zakon o izmjenama i dopunama Zakona o sudskim taksama, (s 19 glasova „za“ i 5 glasova „protiv“, 3 glasa „suzdržan“).

Realizacija tačke četiri.

AD- 4.

NACRT ZAKONA O SPORTU KANTONA SARAJEVO

Zastupnici su materijal dobili uz poziv za sjednicu. Uvodno izlaganje u svojstvu predlagača je podnio ministar kulture i sporta, Kenan Magoda.

U diskusiji su učestvovali zastupnici: *Vedrana Vujović, Mahir Dević, Marijela Hašimbegović, Samir Avdić, Vibor Handžić, Faruk Selmanović, Muamer Bandić, Haris Zahiragić i Faruk Kapidžić.*

U međusobnom repliciranju su učestvovali zastupnici: *Mahir Dević – Samir Avdić, Davor Čičić – Samir Avdić, Belma Kapo – Samir Avdić, Haris Zahiragić – Samir Avdić, Samir Avdić – Muamer Bandić, Davor Čičić – Muamer Bandić, Vedrana Vujović – Haris Zahiragić, Elvedin Okerić – Haris Zahiragić, Muamer Bandić – Haris Zahiragić, Adi Kalem – Haris Zahiragić, Haris Zahiragić – Faruk Kapidžić, Vildana Bešlija – Faruk Kapidžić, Muamer Bandić – Faruk Kapidžić i Haris Zahiragić – Vildana Bešlija.*

Ispravku krivog navoda su koristili zastupnici: *Mahir Dević – Davor Čičić i Haris Zahiragić – Faruk Kapidžić.*

Poslovničku intervenciju su imali zastupnici: *Mahir Dević, Haris Zahiragić i Miomirka Melank.*

Obzirom da nije bilo više prijavljenih diskutanata, predsjedavajući je pozvao zastupnike da se izjasne u skladu s Članom 94. Poslovnika Skupštine KS, da se izjašnjavanje po ovoj tački provede odmah.

Nakon izjašnjavanja, konstatovano je da je Skupština većinom glasova podržala da se izjašnjavanje provede odmah. (s 21 glas „za“ i 5 glasova „protiv“).

Na osnovu rezultata glasanja, konstatovano je da je Skupština po Nacrtu zakona o sportu Kantona Sarajevo većinom glasova (21 glas „za“ i 5 glasova „protiv“) donijela sljedeći Zaključak:

1. Utvrđuje se Nacrt zakona o sportu Kantona Sarajevo.
2. Nacrt zakona iz tačke 1. ovog zaključka stavlja se na javnu raspravu.
3. Učesnici u javnoj raspravi su kantonalni organi uprave, jedinice lokalne samouprave, obrazovne, naučne i stručne ustanove, sportske organizacije (udruženja, klubovi, granski sportski savezi, olimpijski komiteti), Federalno ministarstvo kulture i sporta i Ministarstvo civilnih poslova Bosne i Hercegovine, a trajat će 60 dana.
4. Primjedbe, prijedlozi, sugestije i mišljenja učesnici javne rasprave dostavljaju Vladi Kantona Sarajevo, putem Ministarstva kulture i sporta Kantona Sarajevo, koje organizuje i provodi javnu raspravu.
5. Vlada Kantona Sarajevo dužna je, nakon provedene javne rasprave, Skupštini Kantona Sarajevo dostaviti prijedlog Zakona o sportu Kantona Sarajevo vodeći računa o primjedbama, prijedlozima, sugestijama i mišljenjima kroz izvještaj o provedenoj javnoj raspravi.
6. Ovaj zaključak stupa na snagu danom donošenja.

Realizacije tačke pet.

AD- 5.

PRIJEDLOG ODLUKE O USVAJANJU PROGRAMA UREĐENJA GRAĐEVINSKOG ZEMLJIŠTA, REALIZACIJE KAPITALNIH INVESTICIJA ZA 2025. GODINU

Zastupnici su materijal dobili uz poziv za sjednicu. Uvodno izlaganje u svojstvu predstavnika predlagača je podnijela direktorica Zavoda za izgradnju KS, Belma Barlov.

U diskusiji je učestvovao zastupnik *Faruk Kapidžić*, nakon čega je predsjedavajući zaključio diskusiju jer nije bilo više prijavljenih zastupnika.

Realizacija tačke šest.

AD-6.

PRIJEDLOG ODLUKE O STANDARDIMA I KRITERIJIMA ZA IZBOR I IMENOVANJE NA POZICIJE PREDSEDNIKA I ČLANOVA NADZORNOG ODBORA KANTONALNE AGENCIJE ZA PRIVLAČENJE INVESTICIJA I PRIVATIZACIJU

Zastupnici su dobili materijal uz poziv za sjednicu. Predsjedavajući Okerić je u svojstvu predsjedavajućeg Komisije za izbor i imenovanja i administrativna pitanja podnio uvodne napomene.

Obzirom da nije bilo prijavljenih zastupnika za diskusiju, predsjedavajući je zaključio diskusiju po ovoj tački.

Zatim je obavijestio zastupnike da u dogovoru s rukovodstvom Skupštine prekida sjednicu i zahvalio se zastupnicima na saradnji.

Broj: 01-04-38307/25
15.07.2025.godine
SARAJEVO

Zapisnik izradila:

Lejla Kadrić

S E K R E T A R
SKUPŠTINE KANTONA SARAJEVO

Aida Zeković

P R E D S J E D A V A J U Ć I
SKUPŠTINE KANTONA SARAJEVO

Elvedin Okerić

ZAPISNIK
O RADU PRVOG NASTAVKA 24. RADNE SJEDNICE SKUPŠTINE KANTONA
SARAJEVO ODRŽANE 16.09.2025.GODINE SA POČETKOM RADA U 10,00 SATI

Prvi nastavak 24. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovali 24 zastupnice i zastupnika, dok su se ostali priključili tokom sjednice. Izostanak sa ove sjednice opravdali su zastupnice i zastupnici Belma Kapo, Admela Hodžić, Ilijas Pilav i Albin Zuhrić. Kašnjenje je najavio zastupnik Muamer Bandić.

U skladu s naprijed navedenim, prisustvo zastupnika Prvom nastavku 24. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pobrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Pekić Jelena
4. Petrović Kristina
5. Vikić-Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović – Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana

SAMOSTALNI ZASTUPNICI

1. Gaković Elza
2. Lemezan Redžo
3. Memić Arijana

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutnim u sali, kao i predstavnicima medija koji prate rad sjednice.

Predsjedavajući je podsjetio zastupnike da je na prethodnom zasjedanju obrađeno prvih šest tačaka, tako da ovo zasjedanje započinje tačkom sedam.

Realizacija tačke sedam.

AD-7.

NACRT ODLUKE O ZAŠTITI IZVORIŠTA VODE ZA PIĆE „DJEVOJAČKE VODE“

Zastupnici su materijal dobili uz poziv za sjednicu a uvodno izlaganje u svojstvu predlagача materijala je podnio *ministar privrede, Zlatko Mijatović*.

U diskusiji su učestvovali zastupnici: *Marijela Hašimbegović, Mahir Dević, Samir Avdić, Elza Gaković, Jasmin Šaljić i Elvis Vreto*.

U međusobnim replikama su učestvovali zastupnici: *Marijela Hašimbegović – Mahir Dević*.

Ispravku krivog navoda je imao zastupnik *Mahir Dević*.

Obzirom da nije bilo više prijavljenih za diskusiju predsjedavajući je zaključio istu i predložio da se u skladu sa članom 94. Poslovnika Skupštine Kantona Sarajevo o ovoj tački odmah izjašnjava, što su zastupnici jednoglasno podržali, (s 24 glasa „za“).

Na osnovu rezultata glasanja konstatovano je da je Skupština po Nacrtu Odluke o zaštiti izvorišta vode za piće „Djevojačke vode“ jednoglasno, (s 24 glasa „za“), donijela sljedeći Zaključak:

1. Utvrđuje se Nacrt Odluke o zaštiti izvorišta vode za piće „Djevojačke vode“.
2. Nacrt Odluke iz tačke 1. ovog zaključka stavlja se na javnu raspravu.
3. Učesnici u javnoj raspravi su kantonalni organi uprave, jedinice lokalne samouprave, naučne i stručne ustanove, a trajat će 30 dana.

4. Primjedbe, prijedlozi, sugestije i mišljenja učesnici javne rasprave dostavljaju Vladi Kantona Sarajevo, putem Ministarstva privrede Kantona Sarajevo, koje organizuje i provodi javnu raspravu.
5. Vlada Kantona Sarajevo dužna je nakon provedene javne rasprave, Skupštini Kantona Sarajevo dostaviti prijedlog Odluke o zaštiti izvorišta vode za piće „Djevojačke vode“, vodeći računa o primjedbama, prijedlozima, sugestijama i mišljenima kroz izvještaj o provedenoj javnoj raspravi.
6. Ovaj zaključak stupa na snagu danom donošenja.

Realizacija tačke osam.

AD- 8.

PRIJEDLOG ODLUKE O IMENOVANJU PREDSJEDNIKA ČLANOVA UPRAVNOG ODBORA KANTONA AGENCIJA ZA PRIVLAČENJE INVESTICIJA I PRIVATIZACIJU

Zastupnici su materijal dobili uz poziv za sjednicu a uvodno izlaganje u svojstvu predlagača materijala je podnio *ministar privrede, Zlatko Mijatović*.

U diskusiji su učestvovali zastupnici: *Mahir Dević, Faruk Selmanović i Muamer Bandić*.

U međusobnim replikama su učestvovali zastupnici: *Mahir Dević i Muamer Bandić*.

Obzirom da nije bilo više prijavljenih za diskusiju predsjedavajući je zaključio raspravu.

Realizacija tačke devet.

AD-9.

IZVJEŠTAJ O RADU SA FINANSIJSKIM IZVJEŠTAJEM KANTONALNE AGENCIJE ZA PRIVLAČENJE INVESTICIJA I PRIVATIZACIJU ZA 2023. GODINU

Zastupnici su dobili materijal uz poziv za sjednicu. Uvodno izlaganje u svojstvu predstavnika predlagača je podnijela *Amra Hašimbegović, pomoćnica direktora Kantonalne agencije za privlačenje investicija i privatizaciju*.

U diskusiji su učestvovali zastupnici: Faruk Kapidžić, Mahir Dević, Faruk Selmanović, Samir Avdić, Rusmir Pobrić, Vedrana Vikić-Musić, Muamer Bandić, Haris Zahiragić i Jelena Pekić.

U međusobnim replikama su učestvovali zastupnici: Samir Avdić – Faruk Kapidžić, Davor Čičić – Faruk Kapidžić, Muamer Bandić – Faruk Kapidžić, Jelena Pekić – Mahir Dević, Mahir Dević – Rusmir Pobrić, Muamer Bandić – Rusmir Pobrić, Elvedin Okerić – Muamer Bandić, Mahir Dević, Vedrana Vikić-Musić – Haris Zahiragić i Davor Čičić – Haris Zahiragić.

Ispravku krivog navoda je koristio zastupnik *Mahir Dević*.

U toku diskusija je korištena petnaestominutna pauza na zahtjev šefa Kluba zastupnika SDA.

Nakon što su iscrpljene sve diskusije predsjedavajući je zaključio tačku dnevnog reda.

Realizacija tačke deset.

AD- 10.

IZVJEŠTAJ O RADU SA FINANSIJSKIM IZVJEŠTAJEM KANTONALNE AGENCIJE ZA PRIVLAČENJE INVESTICIJA I PRIVATIZACIJU ZA 2024. GODINU

Materijal za ovu tačku dostavljen je zastupnicima uz poziv za sjednicu. Uvodno izlaganje u svojstvu predstavnika predlagača je podnijela *Amra Hašimbegović, pomoćnica direktora Kantonalne agencije za privlačenje investicija i privatizaciju*.

U diskusiji su učestvovali zastupnici: *Vedrana Vujović, Mahir Dević i Faruk Selmanović.*

Obzirom da nije bilo više prijavljenih diskutanata, predsjedavajući je zaključio raspravu i predložio pauzu u trajanju od 90 minuta, što su zastupnici jednoglasno podržali (s 20 glasova „za“).

NASTAVAK NAKON PAUZE

Realizacija tačke jedanaest.

AD- 11.

IZVJEŠTAJA O POSLOVANJU KANTONALNOG JAVNOG PODUZEĆA VETERINARSKA STANICA D.O.O. SARAJEVO ZA 2022. GODINU

Zastupnici su materijal dobili uz poziv za sjednicu. Uvodno izlaganje je podnijela *direktorica Kantonalne veterinarske stanice, Nasiha Spahić.*

U diskusiji su učestvovali zastupnici: *Adi Kalem, Miomirka Melank, Faruk Selmanović, Jasmin Šaljić, Marijela Hašimbegović, Mahir Dević, Jelena Pekić, Smiljana Viteškić, Muamer Bandić i Haris Zahiragić.*

U međusobnom repliciranju su učestvovali zastupnici: *Adi Kalem – Miomirka Melank, Miomirka Melank – Faruk Selmanović, Vedrana Vikić-Musić – Mahir Dević, Miomirka Melank – Jelena Pekić, Mahir Dević – Jelena Pekić, Jelena Pekić – Smiljana Viteškić, te Vildana Bešlija – Smiljana Viteškić.*

Poslovničku intervenciju su koristili zastupnici: *Jelena Pekić i Mahir Dević.*

Ispravku krivog navoda su imali zastupnici: *Miomirka Melank – Muamer Bandić i Mahir Dević – Haris Zahiragić.*

Pošto više nije bilo prijavljenih za diskusiju predsjedavajući je zaključio ovu tačku dnevnog reda.

Na zahtjev Kluba Naše stranke predsjedavajući je dao pauzu u trajanju od petnaest minuta.

NASTAVAK NAKON PAUZE

Realizacija tačke dvanaest.

AD-12.

IZVJEŠTAJA O POSLOVANJU KANTONA JAVNOG KOMUNALNOG PREDUZEĆA RAD D.O.O. SARAJEVO ZA 2023. GODINU

Materijal za ovu tačku dnevnog reda je dostavljen zastupnicima uz poziv za sjednicu. Uvodno izlaganje u svojstvu predlagача je podnio *predstavnik KJKP RAD, Benjamin Bogdanović.*

U diskusiji su učestvovali zastupnici: *Faruk Selmanović, Vedrana Vujović, Samir Avdić, Haris Zahiragić, Marijela Hašimbegović, Elvis Vreto, Jasmin Šaljić, Muamer Bandić i Elza Gaković.*

U međusobnim replikama su učestvovali: *Samir Avdić – Jasmin Šaljić, Vedrana Vujović – Muamer Bandić, te Muamer Bandić – Elza Gaković.*

Ispravku krivog navoda koristili su zastupnici: *Elvis Vreto – Muamer Bandić.*

U toku diskusija je data petnaestominutna pauza na zahtjev Kluba Stranke za Bosnu i Hercegovinu.

Nakon što je konstatovao da nema više prijavljenih zastupnika za diskusiju predsjedavajući je zaključio istu.

Realizacija tačke trinaest.

AD-13.

IZVJEŠTAJ O RADU UNIVERZITETA U SARAJEVU ZA PERIOD OD 01.01. DO 31.12.2023. GODINE

Predsjedavajući je naveo da su zastupnici dobili materijal uz poziv za sjednicu, te pozvao rektora UNSA, prof.dr. Tarika Zaimovića da podnese uvodne napomene.

U diskusiji je učestvovala zastupnica *Marijela Hašimbegović*, te kako nije više bilo prijavljenih predsjedavajući je zaključio istu.

Realizacija tačke četrnaest.

AD-14.

IZVJEŠTAJ O RADU ODBORA ZA ŽALBE JAVNOSTI ZA 2024. GODINU.

Materijal je dostavljen zastupnicima uz poziv za sjednicu. Uvodno izlaganje je podnio *predsjedavajući Odbora za žalbe javnosti Skupštine KS, Senad Hasanspahić*.

Obzirom da nije bilo prijavljenih za diskusiju, predsjedavajući je zaključio tačku dnevnog reda.

Realizacija tačke petnaest.

AD- 15.

IZVJEŠTAJ O IZVRŠENJU SANKCIJA U KANTONU SARAJEVO ZA 2023. GODINU

Materijal je dostavljen zastupnicima uz poziv za sjednicu. U svojstvu predstavnika predlagača, *Indira Šulović, sekretar Ministarstva pravde i uprave*, je podnijela uvodne napomene za oba izvještaja.

Obzirom da nije bilo prijavljenih za diskusiju, dopredsjedavajući Handžić, koji je u međuvremenu nakratko preuzeo predsjedavanje sjednicom, je zaključio tačku dnevnog reda.

Realizacija tačke šesnaest.

AD-16.

IZVJEŠTAJ O IZVRŠENJU SANKCIJA U KANTONU SARAJEVO ZA 2024. GODINU

Učešće u diskusiji je uzela zastupnica *Marijela Hašimbegović*, a kako nije bilo više prijavljenih, dopredsjedavajući Handžić je zaključio diskusiju.

Realizacija tačke sedamnaest.

AD-17.

IZVJEŠTAJ O REALIZACIJI PLANA POVRATKA U I IZ KANTONA SARAJEVA ZA PERIOD 01.01.-31.12.2023. GODINE, SA OSVRTOM NA PROBLEMATIKU OBEZBJEĐENJA ALTERNATIVNOG SMJEŠTAJA, PRIVREMENOG SMJEŠTAJA I PLAN POVRATKA U I IZ KANTONA SARAJEVO ZA 2024. GODINU

Miralem Dedović, pomoćnik ministrice u Ministarstvu za rad i socijalnu politiku, podnio je uvodne napomene u svojstvu predstavnika predlagača.

U diskusiji su učestvovali zastupnici: *Muamer Bandić, Marijela Hašimbegović, Jasmin Šaljić, Elza Gaković i Samir Avdić.*

Ispravku krivog navoda su imali zastupnici: *Samir Avdić – Jasmin Šaljić, Muamer Bandić – Samir Avdić.*

Nakon što su se iscrpile sve diskusije, dopredsjedavajuća Danijela Kristić, koja je u međuvremenu preuzela predsjedavanje sjednicom, je zaključila raspravu.

Realizacija tačke osamnaest.

AD-18.

IZVJEŠTAJ O STANJU U OBLASTI SOCIJALNE ZAŠTITE I ZAŠTITE CIVILNIH ŽRTAVA RATA I ZAŠTITE PORODICE SA DJECOM U 2023. GODINI

Zastupnici su dobili materijal uz poziv za sjednicu. Uvodne napomene u svojstvu predstavnika predlagača je podnio *Miralem Dedović, pomoćnik ministrice u Ministarstvu za rad i socijalnu politiku.*

Obzirom da nije bilo prijavljenih za diskusiju, dopredsjedavajuća Kristić je istu zaključila.

Realizacija tačke devetnaest.

AD-19.

STUDIJA O ZDRAVSTVENOM STANJU STANOVNIŠTVA, ODREDNICAMA ZDRAVLJA I ZDRAVSTVENOJ ZAŠTITI U KANTONA SARAJEVO U 2022. GODINI SA PRIJEDLOGOM MJERA ZA POBOLJŠANJE ZDRAVSTVENOG STANJA STANOVNIŠTVA U KANTONA SARAJEVO I MIŠLJENJE MINISTARSTVA ZDRAVSTVA KANTONA SARAJEVO

Zastupnici su dobili materijal uz poziv za sjednicu. Uvodne napomene u svojstvu predstavnika predlagača je podnio *Zlatan Hamza, direktor JU Zavod za javno zdravstvo KS.*

Obzirom da nije bilo prijavljenih za diskusiju, dopredsjedavajuća Kristić je zaključila istu.

Realizacija tačke dvadeset.

AD-20.

IZVJEŠTAJ O ZDRAVSTVENOM STANJU STANOVNIŠTVA, ODREDNICE ZDRAVLJA I ZDRAVSTVENA ZAŠTITE U KANTONU SARAJEVO U 2023. GODINI SA PRIJEDLOGOM MJERA ZA POBOLJŠANJE ZDRAVSTVENOG STANJA STANOVNIŠTVA U KANTONU SARAJEVO

Zastupnici su dobili materijal uz poziv za sjednicu. Uvodne napomene u svojstvu predstavnika predlagača podnio je *Zlatan Hamza, direktor JU Zavod za javno zdravstvo KS.*

Obzirom da nije bilo prijavljenih za diskusiju, dopredsjedavajuća Kristić je istu zaključila.

Realizacija tačke dvadeset i jedan.

AD- 21.

IZVJEŠTAJ O PROVEDENOJ JESENJOJ PREVENTIVNOJ SISTEMATSKOJ DERATIZACIJI U 2024. GODINI

Zastupnici su dobili materijal uz poziv za sjednicu. Uvodne napomene u svojstvu predstavnika predlagача je podnio *Zlatan Hamza, direktor JU Zavod za javno zdravstvo KS*.

U diskusiji je učestvovala zastupnica Vedrana Vujović, nakon čega je dopredsjedavajuća Kristić zaključila istu jer nije bilo više prijavljenih zastupnika i dala petominutnu pauzu.

NASTAVAK NAKON PAUZE

Nakon pauze, predsjedavajući je prešao na realizaciju tačke dvadeset i dva.

AD-22.

INICIJATIVA ZA IZMJENU ZAKONA O ODGOJU I OBRAZOVANJU U OSNOVNOJ I SREDNJOJ ŠKOLI KANTONA SARAJEVO

Uvodne napomene je podnio *zastupnik Muamer Bandić* kao podnosilac inicijative.

U diskusiji je učestvovao *zastupnik Elvedin Okerić*, a replicirao mu je *zastupnik Muamer Bandić*.

Predsjedavajući je konstatovao da je potrebno vrijeme kako bi se formulisao ispravan zaključak za podnesenu inicijativu, te stoga nije zaključio diskusiju po ovoj tački najavivši da će se o istoj izjašnjavati na narednom nastavku sjednice, nakon čega je zaključio zasjedanje i zahvalio se zastupnicima.

Broj: 01-04-38307/25

16.09.2025.godine

SARAJEVO

Zapisnik izradila:

Lejla Kadrić

S E K R E T A R

SKUPŠTINE KANTONA SARAJEVO

Aida Zeković

P R E D S J E D A V A J U Ć I

SKUPŠTINE KANTONA SARAJEVO

Elvedin Okerić

ZAPISNIK
O RADU DRUGOG NASTAVKA 24. RADNE SJEDNICE SKUPŠTINE KANTONA
SARAJEVO ODRŽANE 20.10.2025.GODINE SA POČETKOM RADA U 17,00 SATI

Prvi nastavak 24. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovali 31 zastupnica i zastupnik, dok su se ostali priključili tokom sjednice. Izostanak sa ove sjednice opravdao je zastupnik Ilijas Pilav. Sjednici nisu prisustvovali zastupnici: Sebija Izetbegović, Adna Mesihović, i Albin Zuhrić.

U skladu s naprijed navedenim, prisustvo zastupnika Drugom nastavku 24. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Kalem Adi
3. Kapidžić Faruk
4. Selmanović Faruk
5. Viteškić Smiljana
6. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pobrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vikić-Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović – Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana

SAMOSTALNI ZASTUPNICI

1. Hodžić Admela
2. Gaković Elza
3. Lemezan Redžo
4. Memić Arijana

Predsjedavajući je podsjetio zastupnike da je na prethodnim zasjedanjima, koja su održana 15.07. i 16.09.2025. godine obrađene sve tačke dnevnog reda izuzev tačke 22., na kojoj je predlagatelj tačke, zastupnik Muamer Bandić, podnio uvodne napomene, tako da ovo zasjedanje počinje raspravom po ovoj tački.

AD- 22.

INICIJATIVA ZA IZMJENU ZAKONA O ODGOJU I OBRAZOVANJU U OSNOVNOJ I SREDNJOJ ŠKOLI

U diskusiji su učestvovali zastupnici: *Mahir Dević, Belma Kapo, Elza Gaković, Marijela Hašimbegović, Faruk Selmanović, Jelena Pekić, Jasmin Šaljić, Elvedin Okerić, Faruk Kapidžić, Vildana Bešlija, Haris Zahiragić, Elvis Vreto i Muamer Bandić.*

U međusobnom repliciranju su učestvovali zastupnici: *Davor Čičić – Mahir Dević, Marijela Hašimbegović – Jelena Pekić, Mahir Dević – Jelena Pekić, Faruk Selmanović – Elvedin Okerić, Faruk Selmanović – Faruk Kapidžić i Haris Zahiragić – Elvis Vreto.*

Poslovničku intervenciju je tražio zastupnik *Mahir Dević.*

Ispravku krivog navoda su koristili zastupnici: *Mahir Dević – Elvedin Okerić, Elvedin Okerić – Haris Zahiragić.*

Nakon što su iscrpljene sve diskusije, predsjedavajući je zaključio tačku dnevnog reda.

Potom je pozvao zastupnike da pređu na izjašnjavanje po preostalim tačkama dnevnog reda o kojima se nisu do sada izjasnili.

AD-5.

Na osnovu rezultata glasanja konstatovano je da je Skupština većinom glasova donijela Odluku o usvajanju programa uređenja građevinskog zemljišta, realizacije kapitalnih investicija za 2025. godinu, (s 19 glasova „za“, 5 glasova „protiv“ i 5 „suzdržanih“ glasova“.

AD-6.

Na osnovu rezultata glasanja konstatovano je da je Skupština većinom glasova donijela Odluku o standardima i kriterijima za izbor i imenovanja na pozicije predsjednika članova

Nadzornog odbora Kantonalne agencije za privlačenje investicija i privatizaciju, (s 19 glasova „za“, 6 glasova „protiv“ i 3 „suzdržana“ glasa).

AD-8.

Na osnovu rezultata glasanja konstatovano je da je Skupština većinom glasova donijela Odluku o imenovanju predsjednika i članova Upravnog odbora Kantonalne agencije za privlačenje investicije i privatizaciju, (s 19 glasova „za“, 6 glasova „protiv“ i 3 „suzdržana“ glasa).

AD-9.

Na osnovu rezultata glasanja konstatovano je da je Skupština većinom glasova usvojila Izvještaj o radu sa finansijskim izvještajem Kantonalne agencije za privlačenje investicija i privatizaciju za 2023 godinu, (s 19 glasova „za“, 5 glasova „protiv“ i 2 „suzdržana“ glasa“).

AD-10.

Na osnovu rezultata glasanja konstatovano je da je Skupština većinom glasova usvojila Izvještaj o radu sa finansijskim izvještajem Kantonalne agencije za privlačenje investicija i privatizaciju za 2024 godinu, (s 19 glasova „za“, 7 glasova „protiv“ i 3 „suzdržana“ glasa“).

AD-11.

Na osnovu rezultata glasanja konstatovano je da je Skupština većinom glasova usvojila Izvještaj o poslovanju Kantonalnog javnog preduzeća Veterinarska stanica d.o.o. Sarajevo za 2022. godinu, (s 19 glasova „za“, 8 glasova „protiv“ i 2 „suzdržana“ glasa“).

AD-12.

Na osnovu rezultata glasanja konstatovano je da Skupština većinom glasova nije usvojila Izvještaj Kantonalnog javnog komunalnog preduzeća RAD d.o.o. Sarajevo za 2023. godinu, (s 15 glasova „za“, 10 glasova „protiv“ i 4 „suzdržana“ glasa“).

AD-13.

Na osnovu rezultata glasanja konstatovano je da je Skupština većinom glasova usvojila Izvještaj o radu Univerziteta u Sarajevu za period 01.01. do 31.12.2023. godine, (s 19 glasova „za“, 4 glasa „protiv“ i 4 „suzdržana“ glasa“).

AD-14.

Na osnovu rezultata glasanja konstatovano je da je Skupština većinom glasova usvojila Izvještaj o radu Odbora za žalbe javnosti za 2024. godinu, (s 18 glasova „za“, 5 glasova „protiv“ i 5 „suzdržana“ glasova“).

AD-15.

Na osnovu rezultata glasanja konstatovano je da je Skupština većinom glasova usvojila Izvještaj o izvršenju sankcija o Kantonu Sarajevu za 2023. godinu, (s 18 glasova „za“, 6 glasova „protiv“ i 4 „suzdržana“ glasa“).

AD-16.

Na osnovu rezultata glasanja konstatovano je da je Skupština većinom glasova usvojila Izvještaj o izvršenju sankcija o Kantonu Sarajevu za 2024. godinu, (s 19 glasova „za“, 6 glasova „protiv“ i 4 „suzdržana“ glasa“).

AD-17.

Na osnovu rezultata glasanja konstatovano je da je Skupština većinom glasova usvojila Izvještaj o realizaciji Plana povratka u i iz Kantona Sarajevo za period 01.01. do 31.12.2023. godine, sa osvrtom na problematiku obezbjeđenja alternativnog smještaja, privremenog smještaja i Plan povratka u i iz Kantona Sarajevo za 2024. godinu, (s 19 glasova „za“, 7 glasova „protiv“ i 3 „suzdržana“ glasa“).

AD-18.

Na osnovu rezultata glasanja konstatovano je da je Skupština većinom glasova usvojila Izvještaj o stanju u oblasti socijalne zaštite, zaštiti civilnih žrtava rata i zaštite porodice sa djecom u 2023 godini, (s 19 glasova „za“, 8 glasova „protiv“ i 2 „suzdržana“ glasa“).

AD-19.

Na osnovu rezultata glasanja konstatovano je da je Skupština većinom glasova usvojila Studiju o zdravstvenom stanju stanovništva, odrednicama zdravlja, zdravstvenoj zaštiti u Kantonu Sarajevo u 2022 godini sa prijedlogom mjera za poboljšanje zdravstvenog stanja stanovništva u Kantonu Sarajevo i Mišljenje Ministarstva zdravstva Kantona Sarajevo, (s 22 glasa „za“, 5 glasova „protiv“ i 2 „suzdržana“ glasa“).

AD-20.

Na osnovu rezultata glasanja konstatovano je da je Skupština većinom glasova usvojila Izvještaj o zdravstvenom stanju stanovništva, odrednice zdravlja i zdravstvena zaštita u Kantonu Sarajevo u 2023. godini sa prijedlogom mjera za poboljšanje zdravstvenog stanja stanovništva u Kantonu Sarajevo, (s 23 glasa „za“, 5 glasova „protiv“ i 1 „suzdržan“ glas).

AD-21.

Na osnovu rezultata glasanja konstatovano je da je Skupština većinom glasova usvojila Izvještaj o provedenoj jesenjoj preventivnoj sistematskoj deratizaciji u 2024 godini, (s 21 glas „za“, 8 glasova „protiv“).

AD-22.

Na osnovu rezultata glasanja konstatovano je da je Skupština po Inicijativi za izmjenu Zakona o odgoju i obrazovanju u osnovnoj i srednjoj školi Kantona Sarajevo jednoglasno (s 29 glasova „za“) donijela sljedeći Zaključak:

- 1. Prihvata se Inicijativa zastupnika Bandić Muamera broj: 01-02-42163/24 od 13.09.2024. godine za izmjenu Zakona o odgoju i obrazovanju u osnovnoj i srednjoj školi Kantona Sarajevo („Službene novine Kantona Sarajevo“, broj: 27/24).*
- 2. Određuje se Ministarstvo za odgoj i obrazovanje Kantona Sarajevo za nosioca izrade Nacrta Zakona o izmjeni Zakona o odgoju i obrazovanju u osnovnoj i srednjoj školi Kantona Sarajevo („Službene novine Kantona Sarajevo“, broj: 27/24) u skladu sa propisanim postupkom i načinom pripremanja i dostavljanja propisa u roku od 6 (šest) mjeseci od dana donošenja ovog zaključka.*
- 3. Inicijativa iz tačke 1. ovog zaključka, sa mišljenjem Vlade Kantona Sarajevo i Zakonodavno-pravne komisije Skupštine Kantona Sarajevo, dostavlja se Ministarstvu za odgoj i obrazovanje Kantona Sarajevo.*
- 4. Ovaj zaključak stupa na snagu danom donošenja.*

Predsjedavajući je potom konstatovao da su sve tačke dnevnog reda iscrpljenje, te je zaključio rad na 24. Radnoj sjednici, zahvalivši se zastupnicima na konstruktivnom radu.

Broj: 01-04-38307/25
20.10.2025.godine
SARAJEVO

Zapisnik izradila:

Lejla Kadrić

S E K R E T A R
SKUPŠTINE KANTONA SARAJEVO
Aida Zeković

P R E D S J E D A V A J U Ć I
SKUPŠTINE KANTONA SARAJEVO
Elvedin Okerić

- 0 -

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.